



Estrara Komunikilo EKO 2015-42 sendita el Budapeŝto, la 18an de septembro.

Al: Landaj kaj Fakaj Asocioj de UEA (aliĝintaj kaj ne). Plie al la Komitato, Konsilianoj, regionaj komisionoj de UEA, ILEI-aktivuloj, TEJO-estraro, gazetaro, listoj kaj unuopuloj.

AMO pluiras eĉ pli intense al 2016

Post intensa laboro kaj planado ni fiere anoncas la maturiĝon de la programo de UEA pri Aktivula Maturigo (AMO) lanĉita en 2013. En la septembra numero de revuo *Esperanto* (p 173) kaj en EKO 39 ni anoncis al vi pri la 15a seminario en Greziljono fine de oktobro kun temo 'Grimpi la monton granitan' kaj gvidanto Stefan MacGill. La gvidantaro por AMO 16 en Havano novembro fariĝis pli internacia.

Se AMO estus homo, 15- aŭ 16-jaraĝulo ankoraŭ adoleskas. Sube vi legos pri planoj ĝis 20. Do, AMO definitive iĝos ene de duonjaro plenkreska.

AMO 17: Eger, Hungario, 28-31 dec. 2015, kadre de JES (Junulara Esperanto-Semajno, de la 27a de dec. ĝis la 3a de jan.) Vidu la dekstran foton de la baziliko en Eger ([Wikimedia Commons](#)). Pozitivismo abundos; laŭ la temo 'Junigi la komunumon' ni komence konigos sukceskialojn en iuj landoj (HU, PL, UA...) al junuloj kaj junulgvidantoj el la Sud-Orienta Regiono Eŭropa (SORE). Ni aŭdos pri la situacio en landoj de tiu regiono. UEA asignos stipendiojn por indaj seminarianoj al homoj el tiu nesufiĉe atentata regiono de la kontinento. Pri la temo, vidu revuon *Esperanto* (nov.). Informoj: jes.pej.pl.



AMO 18: Závažná Poruba, Slovakio, 6-10 jan., kadre de la 34a POLUDNICA 2016, kies temo estas 'Renkontiĝo de E-vojaĝantoj'. Jen nova temo por AMO: 'Kiel organizi E-vojaĝojn kaj turismajn ekskursojn', konvena al la Tatro-montara okazigejo (vidu la maldekstran foton), turisma vilaĝo 4 km de Liptovský Mikuláš. Gvidantoj kaj temoj:

- J. Vajs (SK): Diferencoj inter vojaĝoj organizitaj de vojaĝoficejoj kaj de esperantistoj
- D. Rodzianko (PL): Kiel vojaĝi malmultekoste
- M. Blahuš (CZ): Geografiaj konkursoj dum renkontiĝoj de E-vojaĝantoj kaj turistoj
- V. Radovanoviĉ (HR): Multjaraj spertoj kun organizado de regulaj turismaj renkontiĝoj
- Zdechlik (PL): Organizado de E-vojaĝoj al malproksimaj landoj
- P. Chrdle (CZ): Avantaĝoj kaj malavantaĝoj de E-vojaĝoj

La seminario okazos memore al Andreo Grzębowski – ja en aprilo 2015 ni planis kun li fari tian AMO-seminaron en Bydgoszcz. Informoj: www.poludnica.esperanto.sk

AMO 19: Manaus, Brazilo, kadre de la 51a Brazila Kongreso de Esperanto kaj 36-a Brazila Esperantista Junulara Kongreso de la 22a ĝis la 26a de jan. 2016. AMO eniras Amazonion. Temo: 'Esperanto: komunikilo por daŭripova mondo'. Gvidantoj: Fernando Maia Jr., Lucas Barbosa, Alvaro Motta. Informoj: <http://esperanto.org.br/info/index.php/pages/kongresoj>



AMO 20: Katmanduo, Nepalo, 27-29 feb., kadre de la Dua Speciala Ekskurso 2016 feb. 26- mar. 8. Gvidantoj: Hori Jasuo (Japanio), Trezoro (Ĉinio), Bharat Ghimire (Nepalo). Informoj: nespa.1990@gmail.com



La estraro de UEA nomumis novan administranton por AMO: d-rinon Sara Spanò, kiu formas teamon da helpantoj. Ŝi kunlaboras kun la nuna administranto inter nun kaj AMO 21; ekde AMO 22 ŝi prenos la ĉefan respondecon, kunlabore kun la ĝisnuna administranto dum transira periodo.

Eretoj

- **La protokolo de la komitata kunveno** en Lillo estas nun legebla ĉe <http://www.uea.org/teko/komitato>. Ni dankas la protokolantojn Pavel Fischer-Kotowski kaj Osmo Buller pro ilia efika laboro.
- **Metodika trejnado en Germanio:** de la 30a sept. ĝis la 4a okt. okazos TORPEDO 10 en Herzberg am Harz. Temas pri 5-taga speciala seminario, metodika trejnado por nunaj kaj estontaj instruistoj kaj kursestroj, kiu ankaŭ ĉi-jare havos internacian partoprenantaron. Detaloj sekvas baldaŭ en EKO 43.
- **Publikaj prelegoj per skajpo - en la Tago de Lingvoj:** La informejo *Ret-Info* informas, ke la portalo *edukado.net* organizas skajpajn prelegojn sabaton la 26-an de sept. kaj la 28-an. Ĝis nun oni havas sep kontribuojn pri la lingvoj: itala, franca, ĉina, vjetnama, islanda, la usona signolingvo kaj la okcitana. Prelegos: Renato Corsetti, Sylvain Lelarge, Xueqin SHI (Neĝeta), Nguyen Xuan Thu, Nicola Ruggiero, Lee Miller kaj Christophe Chazarein. Vidu <http://edukado.net/novajhoj?id=570>. Detaloj sekvas en EKO 43.

Vortoj: 565

=====

Ĉi tiu komunikilo estas disponebla laŭ la permesilo Krea Komunaĵo Atribuite Samkondicite 4.0 Tutmonde. Por pli da informoj vidu ĉe: <https://creativecommons.org/licenses/by-sa/4.0/>.

Por vidi pli malnovajn komunikilojn iru al: http://uea.org/vikio/index.php/Komunikado_kun_LA_FA...